



Керчомъяса томулов
оз дышөдчыны

12 л.б.

**Тайо
НОМЕРЫН**

Март 20 лунö Кулөмдінса культура керкаын котыртчывліс удж вөзьян ярманга. Удж корсысыяслы позис сёрнитны 34 удж вөзйыськөд. На пөвстын вөліны Кулөмдінса уджалан 32 котырөн веськөдлысыя, а тшөтш и кыкөн волісны юркарысь. Ставыс вөлі вөзйөма 115 вакансия.

9
л.б.

Командировкаясда, вөзьясны кө, окотапырысь муна. Öд быд сикт-грездын, торйөн нин юркарянь ыло меститчөм овмөдчанинъясын, эмось енбиа да кужысь кияса войтыр. Сэтчөс том войтырыс олоны кыпыда да гажаа, и ньөти оз жалитны, мый олоны республикаса пыд сикт-грездын.

12
л.б.

Вөзйөм тест отсалас акань кодь нывъяслы гөгөрвоны, паськөмын кутшөм стиял налы медьёна лөсялө. Позьö öткөдьявны асьтö и кутшөмкө нималана анькөд да видзөдлыны сылөн паськөм ыло. А сэсса нин корсыны «ассьыд» паськөмтö, лоны пыр мичаөн да нимкодьясны оломнад.

14-15
л.б.

Апрель медводдза лун - шмонитысыяслөн ставмирса гаж. Тайо лунö асывсыяныс рытөдзыс кутам серавны-гажөдчыны да ылодлыны матыссаос быдсикас шмоньянас. А кысянь сийö пырöма миян оломö да кызди сийöс пасйöны мукөд странын? Вөломкө, унатор на ми огö төдöй апрель медводдза лун йылысь...

16
л.б.

Айму

Изъваса томулов - Печораын

Изъваса дасөд классын велөдчысыяс мунісны военной сборьяс ыло Печораса военной часьтö.

Велөдчан сбор - тайо бытысь колана практика ОБЖ предмет велөдысыяслы. А торйөн нин - армияö мунысь томуловы. Районын котыртөм полевой сборьяс оз лөсявны стандартлөн корөмъяслы. Та вöсна Изъваса веськөдлысыяс сёрнитчөмаось печорасакөд, и тавогырысь классын став велөдчысыс босьтас колана төдөмлун Печораын. Войсковой часьтын зонъяс кутасны овны садатъяслөн режим серти, а сідзжө велөдчасны лыйсыны АК-47 автоматысь. Босьтөм төдөмлуньясыс ёна отсаласны армияын служитигөн.

Томуловлөн кывъяс серти, на пөвстысь пöшти ставныс көсийны мунны армияö, а öткымынөн - весиг кольчыны служитны водзö.

«Коминформ» серти



Велөдчисны кадетьяс

Март 25-27 лунъясö Көрткерөс района Шойнатын мунісны «Том спасатель» ним улын велөдчан сборьяс. Татчө пырөдчисны Сыктывдін, Көрткерөс районьясысь да юркарысь кадетьяс.

Сборьясыс медводдзаысь мунісны Шойнатыса шөр школаын. Таöдз велөдчөмыс некымын во чөж котыртчывліс юркараса биысь видзчысян да гражданаос дорьян управлениеын.

Кадетьясысь велөдчөм видзөдны волісны Кулөмдін района том-улов.

Паськыджыка та йылысь лыддөй «Йөлөгалөн» локтан номерысь.
Миян корр.





ВОДЗМӨСТЧӨМ

Медводз томулов пыралысны Біджыдвидзса неважон на кыпөдөм лыжи базаө. Көрткерөс районса юралысьсө медводдза вежысь Александр Артеев көсийсис, мый регыдөн сиктын лоас тшөтш и детсад. Таысь өддор планө сюйөма дзоньтавны кык ферма.

Мөд пунктөн вөлі Пөддельнөй сикт. Томулов пыралысны выльөн востьом часовняө да дзоньталөм детсадыө.

Шойнатын гөсьтгьясөс вочаліс школаса веськөдлысь Ангелина Захаренко. Сийө төдчөдіс, мый районса томуловлы быть колө водзмөстчыны, төдны сикт-грездса төжд-могьяс да пөртны оломө выль уджтасьяс. Шойнаты сиктлөн историяөн автопробегө пырөдчысьяс төдмасисны содтөд төдөмлун сетан шөринын.

А Нөбдінын нин ас синмөн позис адззывны сідз шусяна «наноферма». Тані матө куимсө москөс вермөны лысьтыны сөмын кык уджалысь, сы вөсна мый ставсө вөчө выль сикас техника.

Неыджыд концертөн нимкодьмөдісны Важкуаын. А Көрткерөсын томулов пыралысны «Юниор» спорткомплексө, коді востгас ассьыс өдзөссө тавося апрель медводдза лунө.

Быд сиктын том войтыр юасисны веськөдлысьяслысь быдлуныс төжд-мог да вермөмгьяс йылысь. А рытланысь нин ставөн адззысьлісны Көрткерөс районса юралысь Василий Гончаренкокод.

- Талун ті адззылінный сөмын неыджыд юкөн, мый лои вөчөма кык бөрья воөн. Ставнас районын пөртөма оломө матө 30 уджтас. Пөшти быд сиктын помасис нин либө мунө на выль проект серти удж. Дерт, эмось тырмытөмторьяс, но ми өтув кутам зильны бырөдны найөс, - төдчөдіс Василий Гончаренко.

Медбөрын районса юралысь сиис томуловлы водзмөстчыны, пөртны оломө колана уджтасьяс да тшөкыджыка котыртлыны таштөмсяма адззысьлөмсө.

Көрткерөс районса администрациясы пресс-службалөн юөр серти.

Көрткерөс районса томуловлөн муніс «Көрт Айка му вылын» автопробег, кытчө пырөдчылісны районса администрацияын, пенсионнөй фондын да здравоохранение юкөнын уджалысь том специалистьяс.

Быд сиктын - выль уджтас



Тшунöга
ПАС

Юркарс коми культура шöринын казтыштисны челядьлы гижысь Пантелеймон Александрович Образцовс. Таво сылön чужöмсянь тырö 105 во.

Тижис челядьды да радейтис чужанін



Гижысь чулöма Емдін районса Гам сиктын велöдысьяслön семьяын. Ичöтсынын сійö радейтöма шылад да литература, тшöкыда мамбатгыскöд лыддьылöмаось Жуковскийлысь, Пушкинлысь да Крыловлысь мойд-басняс. Пантелеймон Образцовлön гижöдьясыс кокниось, томуловлы гөгөрвоанаось, и найöс зэв öдйö велöдöны ныв-зон.

Гижысылön петавлöма «Я рисую», «Игрушки», «Тропинка» да «Куклин

дом» небöгьяс. А ставыс - кызь сайö. Пантелеймон Образцов гижöма ичот арлыда войтырлы. Литературной творчествоö пырöдчис 1942 воын. Сыöдз сійö вөлöма шылад велöдысьön. Гижны поэт заводитлöма ёна водз. Ичотсыныс йöзöдчывлöма школас петысь газетын. Кывбурьяссö йöзöдлöмаось республикаса газет-журналъясын. А 1945 воын став Россияса конкурсын сылысь небöгсö пасйöмаось премияön.



Сылön гижöдьясыс корöны челядьöс пыдди пуктыны вөр-ва, чужан му да ассыд чужанінтö.

Пантелеймон Образцовлön гижöдьясыс ёна кажитчылисны и челядьлы нималана гижысьяслы - Корней Чуковскийлы да Самуил Маршаклы. Накöд ёртасьöмыс сетис позянлун Комиысь гижысьлы йöзöд-чыны эз сöмын республикаын, но и Россияын. А сідзкö,

сёрни, ворсöм, сьылöм. Ёртъяскöд ёна радейтлöмаось пуктыны сценкаяс да видзöдны диафильмыяс.

Пантелеймон Александрович йылысь бур кывъяс висьталис и Коми Республикаса гижысь котырöн веськөдлысь Елена Козлова. Сійö казтыштис нималана гижысьöс кызди вежавидзысь мортöс, коды эз вöв веськөд сы гөгöрын олысь войтырöдз. Пантелеймон Образцовлön небöгьяскöд төдмöдис Коми Республикаса С.Маршак нима челядьлы библиотекаын уджалысь Алёна Нестерова. А гижысьлысь



содтис и сылысь гижöдьяссö лыддьысьсö.

Аддзысьлöм вылö коми культура шöринö волис Пантелеймон Образцовлön нылыс - Евгения Пантелеймоновна. Сійö 2011 воын лэдзöма батыслön гижöдьяслы сийö медбөръя небöгсö, кытчö пыртöма кывбурьяс, висьтъяс да нöдкывъяс. Ань казтыштис батысö кызди вывти шань да ыджыд сьёлöма мортöс, код пыр радейтлöма челядьöс. Налön керкаын пыр кылöма челядь

кывбурьяссö окотапырысь лыддисны юркарсса 80 номера детсадий ветлысьяс. Ныв-зонлы сэтшöм ёна воöмаось сьёлöм вылас гижысьлön кывбурьясыс, мый кодсюрö весиг некимынöс велöдöмаось.

Пантелеймон Образцовлысь гижöдьяссö окотапырысь лыддьöны и öния том войтыр.

Кристина СЕРГЕЕВА
Снимокьясыс юркарсса коми культура шöринлön.

КОЛАНА УДЖ

Март 20-өд лунө став мирын пасйисны вель уна гаж: вёлмкө, сэки и Шудлөн лун, и Му шарлөн, и астрология, и войтыркостса вөр лун. А буретш тайё лунас йөктыны радейтысьяс чукөрт-чылісны Эжваса культура дворечын «Подснежник» фестиваль восьём вылө.

И вермытөмыс йөктас

Тайё фестивальсө, кодөс сиисны вермытөм челядылы, котыртис «Ребьячя Республика» өтмунөм Эжва районса администрация да Эжваса реабилитация шөрин отсөгөн. Уджтассө оломө портисны «Ребьячя Республика» өтмунөмысь водзмөстчысь Эдуард Белявцев да соцпедагог Анастасия Симонова.

Фестиваль воссигөн йөктисны куим йөктысь пара: дзоньвидзалуна челядь да вермытөмаяс. Быдса төлысь чөж хореографьяс да волонтерьяс кутасны велөдны йөктыны татшөм ныв-зонсө. А апрель 21-өд лунө параяс петкөдчасны концертөн.

Фестиваль воссигөн видзөдысьясөс тшөтш гажөдісны «Радуга», «Реферанс» да «Цветы Севера» котырьясысь йөктысьяс.

Гажыс помасис флешмобөн, кытчө пырөдчисны став воөм гөсьтыс - ставөн өтув найө йөктисны «Ёртасьём» йөктөм.

Кутам лача, мый тайё фестивалысь чужтас вылө «кодзувьясөс» налөн дзоньвидзалунын тырмытөмторьяс вылө видзөдтөг.

Анна МАТВЕЕВА,
«СМЭЖ» пресс-шөринись
корреспондент.

**АДДЗЫСЬЛӨМ**

Эжва районса водзмөстчысь томулөвлөн «САМ» котыр ставмирса поэзия лунө нуөдіс кык аддзысьлөм: «Поэты в шоколаде» акция да «Зал ожидания» литературной кафе.

Акцияө пырөдчысьяслы вөзйисны лыддыны радейтана гижысьяслысь кывбурьяс, мыйысь быдөнлы вичмис шоколад кампет. Юргисны Александр Пушкинлөн, Михаил Лермонтовлөн, Сергей Есенинлөн, Марина Цветаевалөн, Анна Ахматовалөн да уна мукөд нималана поэтлөн кывбурьяс.

А сы бөрын «САМ» котырын водзмөстчысьяс козыналісны «Зал ожидания» литератураа-шылада петкөдчөм. Нимсө бөрийисны эз прөста сідз, өд ми асланым оломын пыр мыйкө виччысям: школа да институт помалөм, удж вылө пырөм, муса мортөс аддзөм, семья котыртөм, а нөшта и шуд корсьөм, выльтор видлөм да уна мукөдтор... Буретш та понда тані юргисны радейтчөм да ёртьяскөд паныдасьлөм йылысь кывурьяс да гитара ворсөм улө сыланкывьяс.

Аттё ставныслы тайё аддзысьлөмсө котыртөмысь, торйөннин Виктория Грушевскаялы сьолөмсяньныс отсасьөмысь.

Е.В.КУЛЬКО

Пыр мыйкө виччысям...

**Туйвыса
БЛОКНОТЫСЬ**

Локтан 2015-өд воын Удора районса Важгорт сикт-лы тырө 525 во. Вит нэмысь дырджык сулалө сиктыс Ву дорын. XVII-өд нэмө, а гашкө, и водз-джык на, вөлөма Важгортын Кростос ловзьомлы да Вежа Микөлалы сиём кык вичко. 1847-өд воын кыпөдөмаось выль вичко.

Выль олан руөн воськовтам аскиö

Богородицалон чужан лун бöрын, сентябрь 22-өд лунö, воис меным мөвп нуöдны дневник. И нимти ме сийöс «Пöкрöвсьянь Пöкрöвöдз». Коли сэсянь во джын, и öнi тайö став пасйöдсö выльысь лыдди да чуйми: тайö гижöдторъясыс быттö выльöн усьöм лым вылын туй. Кузь-ö туйыс лоö ли дженьыд, кокни-ö, сьöкыд - некор он төд. Но петöма кө нин туйö, колö восьлавны... А ме бöрся тшöтш и тияны, лыддысьысыяс. Но тайö гижöдас ме пырта сöмын öткымын пасйöд.

Октябрь 7-өд лун

Важгорт сиктын важöн, дас сизимöд - дас көкъямысöд нэмъясö, вөлөма кык вичко: öтисö сиёма Кростос ловзьомлы, мөдсö - Вежа Микөлалы.

А талун ни öти абу. Кыпöдiсны эськө неважöн, но сийö ловтöм на. Некод оз пöльышты ловсö вичкоас. Кöдзыд сийö, овтöм, гажтöм. Матыстчылi сы дорö таво, пернапас чöвти - Михаил Ерогодский-лысь öбразсö пыранiн весьтас öшöдөмаось.

Тайö неыджыд вичкоыс сулалө больнича йöрын. Кымынкö во. А важ вичкоыс - сикт шöрын. Öнi сэни клуб. Челядьдырйи миянлы эз висьтавланы, мый тани вөлөма вичко. Ми эг и төдöй.

Кык вичко Важгортын. Öтиыс - важ, мöдыс - выль. Но некоднанас морт оз пыр пернапас чöвтны, сись öзтыны. Öбразтöмось сулалöны, Ентöмось. Ен оз пыр вичкоас ачыс, сийö воö сэтчö морт сьöлөм пыр, и кытчöдз тайö öдзöсыс пöдса, сэтчöдз тупкыса войтырлы и вичко ыбöсыс.

Октябрь 13-өд лун

Талун лунтыр лымъялис. Гөгөр едждiс. Югыд. И лов вылын тшöтш кыпыд. Пуяслөн шондi рöма корйыс эз на киссьы, лымйыс öшиöма на вылö, коз пу лысьясас, и ывла рöмыс ярьюгыд. Синмыд радлö. Кок улын васöд лым.

Аски Пöкрöv. Лымйыс усис öти лунөн водз-джык, еджыд вевттöдсö павкнитiс му вылас Ен мам, мед йöзыс празник водзын ловнаныс сöстөмджыкось вöлины. Сийö миянлы вöсьтö выль туй олбас, сетö поэянулун мыйкö панны выльысь. И еджыд лым вылас воськовтiгөн миянлы колö мөвпыштыны асланым лов йылысь - татшөм-ö сийö сöстөм?..

Пöкрöv, аттö тэныд. Ме көсья выль мөвпъясөн воськовтны еджыд дöра вылад. И мед пуясыс уль лым сьöкта улын нюкыльтчасны, а ми, йöз, тшöтш гоньöм пуяс лолам - му-валөн мич водзын, Ен мамлөн бурлун водзын.

Дыр кад чöж сулалiс-грымвидзис вичконым сикт шöрын. Кольöм во арнас сötiс сийöс би.

Вичко сотчис ноябрь 14-өд лунö, а кык лун мысти ме пасйи дневникö:

Ноябрь 16-өд лун

Важгортын коли öти вичко. 14-өд лунö сотчис клуб (важ вичконым). Прöсьтит миянöс, дона вичко. Эг кужöй ми тэнö видзны, кыдзи тэ миянöс видзин, кымын нэм. Эг сяммöй ми сетны тэныд мöд олөм, пöльыштыны выль олан ру. Верман кө, инды йöзыслы туй, вöсьты выль вичко ыбöс, югзьöд öшиньсö, небзьöд чорзьöм сьöлөмъяс.

Быдтор тэ адзылiн ас нэмөн: и бурсö, и лөксö. И кыдзкö морт эз куж бергöдчыны тэлань, эз гөгөрво ыджыд мортö. Тэ - сикт шöрын ыджыд лэбач. Еджыдö колö вöли тэнö краситны, медым тэ вöлин миянлөн еджыд юсь кодь - мича да кыпыд. Но висьталан öмöй тайöс кодлыкö. И кодi кылас?

А пöрин öнi тэ пöймö. Эн вермы тэ сэсса чöv овны, сотчис сьöлөмыд татшөм олөмсыс. Прöсьтит.

Ноябрь 17-өд лун

Вой шөр вой. Мөдöдчис лым. Кутшöма öнi сийö колö ловлы... мынтöдчыны сьöкыдсыс, выль ног видзöдлыны гөгөр... и ас пытшкö.

Вермас öмöй лым мездыны шогысь?.. Дерт, оз. Но югзьöдыштны олөмсö вермас. И та понда талун ме радла сылы. Кымынысь нин пондылис пуксьыны төв, но некыдзи му-матиыс оз кынмы, йöзыс мучитчöны.

А некымын лун мысти воисны тайö кывъясыс:

Ноябрь 19-өд лун

Вичконым сотчис - ыджыдным.

Нэмъяс чöж миянлы мыджöдным.

Енэжö кайис биөн.

Öзийöма

Кодлөнкö киөн.

Киськалöй, киськалöй вичкосö.

Энö кө сяммöй видзнысö

Ловнаныд -

Киськавны синваөн...

Киськалöй öнi йи ваөн.

Би бордъя лэбачөн вичконым

Енэжас качис...

Виччысьöй...

Кор сылөн лолыс бөр

Гажöдны пондас

Сикт шөр.





Керкасё сотчём бõрас бара кутисны шуны вичкоён. Колõ вõли мунны сылы би пыр, медым бõр босытны ассыс вежа нимсõ.

Март 15-öd лун

«Енэжсыс талун лэччис помтõм лым, вольсалис туйнымõс еджыдõн, мед ми выль олан руõн воськовтим аскиõ, мед кылím енэжлысь сõстõмлунсõ да югыдлунсõ», - пасйи талун дневникам.

Куратов музейын аддзысьлõм

Õни важгортса кыпõдõны выль вичко. Сьõмсõ чукõртõны асьныс. Некемын во нин. Таво Рõштво дырйи чукõртчылím йõзыскõд Важгортса музейын да шум водзõ õтвыв кыпõдны вичконымõс. И та могысь февраль 14-õд лунõ Коми культура шõринын вõли «Вежа Важгорт» рыт, кõни артистъяс да том йõз сёрнитисны Важгортын вичко стрõитõм йылысь, лыддисны кывбуръяс, юргис и сылан. Вõрзьõдис сьõлõмъяс драмтеатрса актриса Анна Софроноваõн коми кывбуръяс висьталõм, а кушõм козинõн лои миянлы Культура колледжса студентъясõн Борис Пастернакыль «Свеча горела» да Иосиф Бродскийлысь «Сретение» кывбуръяс лыддьõм. Рытыс кыпõдис ловнымõс (быдõн шуис ышõдана кыв, мый татшõм аддзысьлõмъяс шонтõны сьõлõм).

А март 15-õд лунõ вõли выль аддзысьлõм Куратов музейын. Важгортысь воис татшõм письмõ - карын олысь йõз дорõ шыдчõм: «1608-õд воын писцõвõй книгаõ пасйылõмаõсь: «Погост Важгорта. А на погосте церковь Воскресения Христова, тёплая, да церковь Николы Чудотворца деревянная...» 1818-õд воын Клирõвõй ведомосьтын гижõма: «...из-за подмыва реки церковь перенесена на другое безопасное место и освящена в 1823 году». Тайõ висьталõ, мый вичкосõ кыпõдõмны мõдысь, сулалõма тайõ вичкоыс кõнкõ Поп ты мõдар бергас. Стефан Ванеев - погостса олысь, Вõлõгдаса семинарияын велõдчысь, 1841-õд воын гижлõма: «Одна церковь деревянная во имя Воскресения Христова, ветхая и очень маленькая, и колокольня так же деревянная, очень высокая. Деревня при сей церкви довольно большая, так называемая Погост».

1847-õд воõ кыпõдõмны выль вичко. «Здание одноэтажное деревянное, на каменном фундаменте, в одной связи с колокольней». Тайõ вичкоас коркõ важõн юрбитисны-молитчисны миян пõль-пõчьяс, эскисны Енлы. Тайõ вичкоыс ас сьõлõм пытшкас нуис став сьõкыдлунсõ репрессия воясõ: кыдзи шыбитисны жыннясõ, керавлисны



крестсõ, ставсõ пусь-пасьвартисны. Совет власьт дырйи танí восьтисны клуб, сьылисны-йõктисны, челядьõс пыртисны октябриятаõ, пионерõ, нуõдисны торжественной собранияяс.

166 во вичко керка сулалис, видзис миянõс. А õни абу, сотчис, сьõд тшынõн кайис енэжас. Пõжар дырйи йõз чукõрас кодкõ шуис: «Дыр терпитис Енмыс. Босытис...» Сьõлõмыд бõрдõ, кор сикт шõрõд мунан да аддан вичколысь кольõмторсõ, сотчõм керьяссõ.

Ми шыдчам ас йõз дорõ, кодьяс олõны Сыктывкарын да мукõд кар-сиктын: отсалõй чукõртны сьõм, медым Важгорт сиктын кыптис выль вичко. Кор йõзыс бергõдчасны Енлань, кутасны эскины Енлы, олõмыс вежсяс бурлань».

Том гижысьяс: Алёна Шомысова, Любовь Ануфриева, Алёна Старцева, Александра Филиппова, Коми культура шõринын уджалысь Юлия Харкун висьталисны важгортса енбиа йõз йылысь, казьтыштисны Худяков ая-пияõс, петкõдлисны роч художникъяслысь, В.Стожаровлысь, Е.Зверьковлысь, Г.Дарьинлысь, серпасьяс (тайõ художникъясыс вольвлисны Вашка вылõ 60-70-õд воясõ), и õния кадõ бара важгортса уличаясын позьõ казьявны серпасысьясõtõ). И збыль, тайõ йõзыс чуймõдõны миянõс енбинас!

Кыптылис сёрни и Важгортса музей йылысь. Сылы подуvsõ пунктис школаын велõдысь, историк Борис Иванович Петров. Сы йылысь казьтылõмсõ лыддим «Арт» журналысь, велõдысь Валентина Николаевна Ульяновакõд интервьюысь: «Борис Ивановичкõд ми туйм-быдмим õтлаын. Война кадõ



9-10 арөссиянь уджалім колхозын, агсасим, кыскалім силос. Дас нель арөсаөн мөдөдчим велөдчыны карө. Мунім Удораса мусюрсө подөн, мышканым ташка, а сәни кос кус, вый тугис да картопеля шаньгаяс.

Борис Ивановичлөн вөлі омөль дзоньвидзалуныс, но сійө ставсө веніс, нуөдіс ыджыд краеведческой удж, походъяс котыртліс, чукөртіс уна экспонат да лөсьөдіс Удоруын медводдза музей. Ми Борис Ивановичөс шуим удораса Корчагинөн».

Музейлы, позьö шуны, выль ловшы сетіс важгортса ань Лия Алексеевна Афанасьева. Вит во чөж сійө нуөдіс ыджыд удж музейын: вуджөдіс музейсө выльаө, ставсө тэчис-лөсьөдіс, котыртліс аддзысьлөмъяс верстьö йөзкөд, уджаліс том войтыркөд, сиктлысь да йөзлысь оландырсө петкөдлыны лөсьөдіс выставка бөрся выставка. Уна рыт, юөрөн озыр, вөлі сиөма удораса гижысьяслы.

Оні музей уджсө водзө нуөдө Валентина Владимировна Екимова. Буретш сылөн дедөн лоө Михаил Петрович Ерогодский, священнослужитель, кодлысь нимсө пыртөма вежаяс лыдө. Медводдза рыт вылас Ерогодскийлөн правнучкаыс, Мария Локачёва, висьталіс ставлы чуймөдана казътылөм: «Лиза бабөлөн керка өшинь улас гырничын быдмисны пемыдгөрд дзоридзъяс. Өтпыр ме юалі мамөлысь:

«Мыйсяма тайө дзоридз тан быдмө: гожөмнас дзоридзалө, а төвнас узьö?» - «Тайө маргариткаяс, татшөм дзоридз өтпыр козьналомө чужан лун кежлас Лиза бабыдлы сылөн айыс, тэнад прадедыд. Кор заводитчөмаөсь репрессияяс, Миша дедтө нуөдөмаөсь, пуксьөдөмаөсь дзескыдинө. Тайө кадсяныс вошөмаөсь и маргариткаяс. Кольö уна во, и коркө Лиза бабыд вөр дорысь бара аддзас тайө кыа рөма дзоридзъяссө. «Тайө өд маргариткаяс!» - шензъяс сійө. Регыд та бөрын и воас Миша дедтө реабилитируйтөм йылысь юөр». Йөзыс чөв оліс-



ны, быдөн мөвпаліс ас кежысь Машалысь висьтсө.

Искусство гимназияса велөдчысьяс: Светлана Калинина да Ксения Бозова - кыкнанныс Важгортъяс. Светлана гижөма миян удораса поэт А.Е.Ванеев йылысь удж да сёрнитіс та йылысь, а Ксения лыддис кывбуръяс. Никита Амосов, пединститутса студент, школаын на чукөртіс вашкаса кывъяс, та йылысь и юөртіс миянлы важгортса зон. Кутшөм нимкодъ, мый быдмөны сяма войтыр.

Мөдысь нин миянөс нимкодъмөдө В.Савин нима драмтеатрса актриса Мария Чукарева. Гитараөн ворсіс да сьыліс сійө. Мөдысь нин Се-



регөвосянь волө клубөн веськөдысь Татьяна Каракчиева. Сійө комиөдө роч сьыланкывъяс, мукөдысьсө и ачыс гижөкывъяссө и шыладсө.

Эмөсь лунъяс, быттө козин. Татшөм козиннас и лои миянлы тайө аддзысьлөмыс. «Татшөм рытъясыс өна колөны и том йөзлы, и верстьöлы, найө отувтасны миянөс, и ми лоам сө пөв вынаджыкөсь ыджыд мог олөмө пөртөмын», - кывкөрталіс Светлана Говорухина, удораса землячествон веськөдлысь.

Аттө ставлы, кодъяслы эз ло веськодъ вичко йылысь сёрниыс. А кодлы веськодъ, тайө йөзыс мед мөвпалыштасны олөм йывсьыс ас кежысь, бур Кывйыс, гашкө, коркө небзьөдас и налысь сьөлөмсө.

Елена АФАНАСЬЕВА,
«Арт» журналын уджалысь.



ЧУКӨРТЧЫЛӨМ

Март 20 лунө Кулөмдинса культура керкаын котыртчывліс удж вөзьян ярманга. Удж корсьысьяслы позис сёрнитны 34 удж вөзйыськөд. На пөвстын вөліны Кулөмдинса уджалан 32 котырөн веськөдлысь, а тшөтш и кыкөн волісны юркарысь. Ставыс вөлі вөзйөма 115 вакансия, а вөзйөм удждоныс - 5.554 шайтсянь 57 сюрс шайтөдз.

Удж корсьысьяслы - ярманга

Ярманга вылө воысьяс водзын медводз сьылөм-йөктөмөн петкөдчисны Кулөмдинса челядь творчество дворечысь «Зиль-зель», «Росинка», «Родничок» да «Фантазия» ансамбляс. Сьылісны и өткөн петкөдчысьяс. Тайө концертыс кыпөдіс удж корсьысьяслысь сьөлөмкылөмсө.

Та бөрын ярманга восьтісны Кулөмдин районса йөзөс уджөн мөгөдан шөринөн веськөдлысь М.Х.Савицкий да Кулөмдинса администрацияын веськөдлысьөс медводдза вежысь Е.А. Стяжкина.

Колө пасйыны, мый удж корсьыны воліс 200 сайө морт. На пөвстысь сө комыныс - уджтөмалысь. Культура керкаса медводдза судга вьлын позис төдмасьны колана юөрөн. Тані уджаліс консультация да колана юөр сетан шөрин. Татчөс уджалысьяс быд окотитысьлы отсалісны гижны резюме, вочавидзны анкеталөн юалөмъяс вылө, а сэсся нин матыстчыны удж вөзйысьяс дорө. Тані жө позис босьтны колана гижөдьяс, телефон номерьяс, а сідзжө төдмасьны вөзьяна уджөн.

Торйөн пукаліс да вочавидзис вахтаөн удж корсьысьяслөн юалөмъяс вылө Кулөмдинса йөзөс уджөн мөгөдан шөринын зільысь Н.Н. Липина. Сы дорө удж корсьысьяс матыстчылісны весиг быдса бригадаясөн.

Ярманга помын лоис гөгөрвоана, мый удж корсьысьяс медуна юасьөмаось удждон йылысь, да мый колө уджавны пырөм могысь, окотапырысь кольөмаось асьыныс телефон номерьяс да көсийысьөмаось виччысьны удж вөзйысьясянь корөм.

Унаөн сулалөмаось «Тендер» котырлөн пызан дорын, коді паськөдө республикаын нималана вузасынінъяс. Ыдждыд вузасынін көсийоны восьтыны и Кулөмдин юрсикт шөрын. Та вөсна татчө ковмасын вузасысьяс, товароведьяс, веськөдлысьяс, а сідзжө мукөд специальностьта войтыр.

*Любовь КОЧАНОВА,
Кулөмдин районса
йөзөс уджөн мөгөдан
шөринысь специалист.*



Уна-уна во сайын тайё вөлі. Оти водз тувсовъя лунё вильш рытив-лун төв дуригмоз вайис аскёдыс неылысса пармасынь да разодіс Эжвалён джуджыд шуйга берегпөлөнса паськыд эрд вылө пожом пулысь койдысьяс. Найо пыр жё азымпырысь кутчысисны татчөс лыа сора муас да эз сэсса водзё көсйыны лэбны. Во-мөд мысти тайё эрд вылас сярвидзисны нин нэриник на мичаник турунвиж лысьяса петасьяс. Майбыр налы вөлі тани! Гожомъяснас небыдик төвру малалис ичотик пожом пуяслысь емъяссө, шоныд зэр мыськаліс налысь пашкыртчыны заводитөм нейджыд юр шапка-яссө, төвъяснас кыз лым эшкын видзис найос скөр кодзыдьясысь, а тулысьяснас ытва ваыс сетліс содтөд вын татчөс подув муыслы да отсалис өдйөджык быдмынысөвмыны ичотик пуяслы. Воысь-во пыр вылөджык и вылөджык кышөдчисны томиник пожомъяс. Нимкодясисны шондівуса олөмнас. Отвылысь велөдчисны венласыны корсюрө овлысь гожся чорыд бушковьяскөд, гыма зэръяскөд, төвся чизыр кодзыдьяскөд.

Кымынкө дас во мысти наысь артмисны мича пожомъяс, кодьяс эз нин повны некутшөм виччысьтөмторьясысь.

Том пожөма ягыс аслысногөн кутіс гажөдны Эжвалысь крут да джуджыд берегсө, көні водзтіджык сі турунысь да шомкорйысь өтдор нинөм эз быдмыв. Вочасөн ягас овмөдчисны пашкыр бөжа уръяс. Найо ворсөдчигмоз тэрыба чеччавлісны пуысь пуө пожом кольяс киллигмоз, арланыс котөрөн лэчывлісны му вылө тшакъясла да өшлисны

Юбердса олысь войтыр сідзжө окотапырысь кутісны кежавлыны турун пунктөм бөрын пожөма ягас вотчыны. А сынөдыс сэні вөлі торйөн нин чөскыд көра, кутшөм овлө том вөрын. Моррөстырнад лолалан, да он и пөтлы. Весиг кымөра лунё ягыс вөлі тырөма шонді югөръясөн. Бытгө эз и вөвны пу йывъяс весьтөдз өшөдчөм руд кымөръясыс. И шондідыс дзирдаліс быд пу коласын. Тайё пожомъяслөн пучерьясыс босьтисны аслыныс шондідысь зарни рөмсө да гажө-

Вөлі коркө Г

(висьт)

найос косьтыны пу вожъяс вылө төв кежлө заптысигмоз. Майбыр, помтөм дона гоб, масленик да гөрд гоб кутіс петны ягас. Лэблывлісны татчө и дозмөръяс, таръяс кокавны лыа му вылысь галя изсө. Корсюрө торклісны ягысь чөв-лөньсө гораа кравзысь ракаяс.

дісны ывласө, эз сетны ловнаныс усьны некодды. И быдөнлы вөлі долыд ягас волөм бөрын. Содтөд вын-эбөс сійө сетліс аслас госьтьяслы, томмөдліс найос.

Весиг Эжва ю кузя кывтыськатысьяс пыр жө казьявлісны ягысь синмө шыбитчана мичлунсө да шензьөмпырысь чөла видзө-



дiсны сэнi быдмысь мичасысь-мича пожомъяс вылө, а бөрас дыр на казыгьвлiсны на йылысь. Матiгөгöрын олысьяс вочасөн Гажа ягөн и нимтiсны тайö мича инсö.

Кымын водзö, сымын вылө-джык енэжланьыс кышöдчисны Гажа ягын быдмысь пожомъяс. И кажитчö нин вöли тайö мича да кузьсыс-кузь пуясыс-лы, мый налөн йывъясыс регьдымысти кутасны окасыны шондi-ыскöд.

Збыльысь öд синтö вештывтöг

Иван БЕЛЫХ

АЖА ЯГ

позис нимкодясьны пожомъяслөн зарни рөмөн лөсталысь пучерьясөн. Ни öти ув эз чурвидз на вылын. Сöмын көнкö дзик йывланьыс нин муртса тыдыштiсны турунвиж рөма лыс лапгъяслөн неыджыд шапкаясыс. Да и некор вöли тайö шапкаясыс-лы пашкыртчыны. Став вынсö багатыр кодъ пожом пуяс видзiсны сы вылө, мед сöмын нюжөдчыны пыр вылөджык и вылөджык шондiлань. А сэккостi ас костаныс дугдывтöг гусьöник варовитiсны, мый наысь вынаыс да эбөсаыс, наысь мичаыс да отаыс збыльысь матiгөгöрас некод абу.

Но орччөн визувтысь Эжва ю быттьö эз и кывлы Гажа ягса багатыр кодъ пожомъяслысь ас костаныс ошйысгмоз гуся сёрнияссö да водзö тэрмасьтöг визувтiс рытыввывлань. Аслас помтөм-дортөм кузь олом чөж сийö унатор адзылыс, унатор төдмалiс тайö му вылас да эз дивит пожом пуяслысь ас костаныс гусьөн ошйысьöмсö. Гөгөрволiс сийö, мый тайö шондi улас быд ловъя лов ошйысьывлө аслас оломөн шу-даа олiгөн да нинөм таын грекыс абу. Мед жö шудаа олысьяс йылысь төдласны и мукöд да на моз жö пондасны зiльны овны. А сылы, Эжвалы, медыджыдыс сийма лун и вой, төв и гожом визувтны рытыввывлань да пöткөдны аслас ванас сола вой-выв саридзöс. Со и чöла да ошйысьтöг вöчö асьыс зэв колана уджсö. И тадзи помтөм-дортөм нэмгъяс чөж.

Сэк жö лыаа паськыд кывтысöд лун и вой визувтiгмоз музлывлө юыс да төвбыдъясьөн шойчывлө вугралiгмоз кыз йи улын. А тулысьяснас выльысь садьмөм бöрын ойдöдлө видзьяс да веретяяс, а сэссия асьыс вынъяссö видлiгмоз шыбитчывлө то шуйгавывлань, то веськыдывывлань да важ берегъяссö кырöдөм бöрын тэчö увланьынджык выль лыа нöрысьяс, көнi босьтчöны быдмыны том пожөма ягъяс. А оломсö налы сетöны сийö жö кырöдөм берегъяс пöлөн быдмысь нэмвөйя пуяслөн быдлаө веськалысь кöйдъсьясыс. Со и оз овлыны ёна кузь нэмаось Эжва берепöлөнса ягъясыс.

Со татшөм кымын жö вöли нэмыс и Гажа яглөн. Муртса енэжас нин эз люкасыны сэнi быдмысь пожомъясыс. И аслыныс-лы налы вöли долыд сыысь, мый сэтшөм кузьось да мичаось, мый сэтшөм бура удайтчис öнөдз овны-вывны тайö шондi улас. Чайталiсны, мый и водзö тадзи лоас зэв на дыр. Но коркө-некоркө кутiсны жö гөгөрвоны Гажа ягын быдмысь пуясыс, мый вывлань кышöдчыны найö оз нин вермыны. Вын-эбөсыс эз нин вöв важ мындаыс. Пöрысьмыны кутiсны лыаа мулысь став вынсö кыскалом бöрын. Сэки и казялiсны Гажа ягын быдмысьясыд, мый абу нин ылын налөн нэм помыс, да эз нин кутны ошйысьны. А öткымынъяс на пиысь пöрысьысла косьмыны пондiсны да ыджыд төв ныръяс дырйи гораа ойзiгмоз пöрласисны му вылө.

Коланiнгъяс корсигмоз мунны пашкыр бөжа уряс. Эз кутны кежавлыны татчö и дозмөръяс да таръяс. Весиг мөдлапöвса ракаяс эз нин лэблывлыны Гажа ягö, кодi коркө збыльысь гажа вöли. Повзбөдiс найöс пöрысь пуяслөн нораа горзiгмоз пöрласьöмыс. Эз кут важ мындаыс петны танi и тшакыс, да ю бердын олысь войтыр сiдзжö пыр гежөдджыка кежавлiсны коркөя радейтана инас.

И пыр тшөкыдджыка Гажа ягын пожомъяс норасигмоз пондiсны шыöдчывлыны орччөн визувтысь Эжва дiнө, мед сийö көть оз вунöд на йылысь, кызкө-мыйкө отсалас нюжөдны яглысь нэмсö да оз сет дзикöдз кувны.

Но мыйөн нö вермис отсавны

налы корсюрö чöла визувтысь, корсюрö гыалысь Эжваыс. Нинөм эз шулы сийö воча. Но төдiс тайö важся юыс, абу нин ылын Гажа ягса пожомъяслөн нэм помыс. На пыдди вывлань öдöбтас кыддза-пипуа рас. Со нин кызъяслөн да пипуяслөн том петасьясыс кутöмаось нюжөдчыны важ пожомъяслөн вуджөръяс улын. И сэки тайö пуясыс гожомъяснас помтöг кутасны кышакывны да варовитны ас костаныс.

Эз көйы Эжва ю, мед нэмвөйясь пожомъяссö вежасны кызъяс да пипуяс. Сийö сiдзжö уна вонад велалiс Гажа яг дiнө, кодi пыр бурөдлiс юос сылөн шогздукъясö.

Со и шуис Эжва ю кольны Гажа яг йылысь аслысикас бурпамять. Сийö кадсяныс орччөн визувтысь юыс кутiс лун и воймыськыны да йирны Гажа яглысь джуджыд берегъяссö. Вочасөн пыр тшөкыдджыка и тшөкыдджыка пондiсны пöрласыны Эжва юö ягын ловйөн на сулалысь пöрысь пожомъяс. Торйөн нин тувсовъя ытваясыс öдйö бырөдiсны ягсö. А пöрласьөм пуяссö сэссия увлань нулiс визулыс. Тадзи лыда воөн и бырис коркө зэв мича Гажа ягыс. Дерт, сы йылысь бурпамятьыс колiс на ягсö төдысьяслөн казыгьломъясын. Ёна жалитiсны матiгөгöрса олысьяс, мый эз ло Гажа ягыс. Но морт оломыд абу нин сэтшөм ёна кузь. Татчөс олысьяслөн внукъясыс öдва нин сяммылiсны висьтавлны, көнiдджык вöли сийö ягыс, кодöс сэтшөма ошкылысны налөн дедъясыс да бабъясыс. Öд сы мында во сэнi вотчывлiсны.

Сэк жö Эжва юыд эз вунöд Гажа яг йывсыд. Уна воөн асьыс берегъяссö веськөдөм бöрын кывтыдынджык сийö кышöдiс выль лыа нöрысьяс, кодъяс вочасөн кутiсны тырны турунөн да баддьөн. А сэссия налөн подулö вужъясисны и Гажа ягыс кыралөм пожомъяслөн кöйдъсьясыс, кодъясысь водзö кежлö артмасны мичаник пуяс. И бара выль лыа нöрыс вылө кышöдчас выль пожөма яг, кодi лоас Гажа яг кодъ жö мича. Сылысь мичлунсö кутасны нин донъявлны важся олысьяслөн правнукъясыс да, гашкө, бара сийöс Гажа ягөн и нимтасны.



**Босьт
ПРИМЕР**

Командировкаясад, вӧзъясны кӧ, окотапырысь муна. Ӧд быд сикт-грездын, торйӧн нин юркарянь ылӧ меститчӧм овмӧдчанинъясын, эмӧсь енбуа да кужысь кияса войтыр. Сэтчӧс том войтырыс олӧны кыпыда да гажаа, и ньӧти оз жалитны, мый олӧны республикаса пыдӧ сикт-грездын.

Керчомъяса томулов оз дышӧдчыны

Неважӧн на ветлі Кулӧмдін районса Керчомъя сиктӧ. Кӧть эськӧ сэтчӧс школаын эз тӧдны журналистъяслӧн локтӧм йылысь, но миянӧс вочаалісны кыпыда да окотапырысь висъгасисны асланыс олӧм-вылӧм йылысь. Меным, кыдзи том йӧзлы газетын уджалысьлы, медвӧна окота вӧлі сӧрнитыштны татчӧс велӧдчысьяскӧд. Со и адззысим да тӧдмасим Валерия Першинакӧд, Дария да Кристина Булышеваяскӧд, Андрей Воробьёвкӧд.

Керчомъяса том войтыр, вӧлӧм, олӧны тыр-бур олӧмӧн: сьылӧны-йӧктӧны, а тшӧтш и бура велӧдчӧны да спортӧ пырӧдчӧны. Валерия да Дария велӧдчӧны 9 классын нин. Нывъяс бура гӧгӧрвоӧны, мый таво ковмас экзамен сдایتны. Та вӧсна велӧдчӧм йывсыд оз вунӧдчыны. Окотапырысь пырӧдчӧны и быдсикас районса да республикаса конкурс-олимпиадаясад. Сьывны-йӧктыны ветлӧны сиктса культура керкаын котыртӧм «Козин» хорӧ, весиг концертъясӧн петавлӧны орчча сикт-грездъясӧ.

Школаын нывъяс пыр медводзынӧсь, тшӧкыда найӧс корӧны нуӧдны и гажӧдчан рыгтыяс. Водзмӧстчӧны томулов и спортын - окотапырысь ворсӧны пызанвывса теннисӧн, волейболӧн, котралӧны лыжиӧн. Зильӧны найӧ и школаса лесничествоян: пуктӧны пуяс, видзӧны вӧр-ва. А гожӧмъяснас нӧшта и уджалан лагерын зильӧны.

Кристина БУЛЫШЕВА эськӧ квайтӧд классын на и велӧдчӧ. Но сійӧс унаторйын нин позьӧ пасйыны. Бура велӧдчӧ, школа олӧмын водзмӧстчысьяс лыдын. 4 классянь гижӧ кывбуръяс, висъгыяс, ветлӧ сьывны «Козин» хорӧ. Да и спортын абу медбӧрря морт - ворсӧ баскетбол-волейболысь, пызанвывса теннисысь.

Андрей ВОРОБЬЁВ - татчӧс школаын бура тӧдса морт. Ачыс эськӧ абу ыджыд тушаа, но югыдгӧрд рӧма юрсиа мортыд ылӧдз тыдалӧ. Ичӧтсаяныс зонка радейтӧ вотчыны да кыйсьыны. Бура велӧдчӧ, петкӧдчӧ и математикаысь да географияысь ра-

йонса олимпиадаясын. 4 классын велӧдчигас на шедӧдлӧма аслас пӧль йылысь, кодӧн ӧна гӧрдитчӧ, гижӧм сочинениенас медводдза места. Зонка окотапырысь пырӧдчӧ и спортӧ - ворсӧ футболысь да пызанвывса теннисысь, котралӧ лыжиӧн.

Молодечъяс, Керчомъяса быдымысь войтыр! Найӧ бура тӧдӧны асланыс донсӧ. И гӧгӧрвоӧны, мый кымын уна тӧдӧмлун найӧ босъгасис асланыс велӧдысьясныс да бать-мамсяныс, сьмын кокныдджык налы лоӧ бокын олӧгӧн.

Сиктса челядыд, чайтӧм серти, ӧна шудаӧсь. Найӧ быдмӧны вӧр-ва бокын, адзӧны волӧн кадлысь вежсьӧмсӧ. Найӧ шаньӧсь, вӧсьса сьӧлӧмаӧсь, видлӧны асьнысӧ быдторйын, отсасьӧны гортгӧгӧрса уджъяс бергӧдны. Мед эськӧ тайӧ ичӧтсаяныс пытшкӧсас тӧчӧм коланаторъясыс оз вошны-бырны, а отсаласны налы корсьны асьнысӧ верстыӧ олӧмын да нӧшта на шудаджыкӧн лоӧ налӧн олӧмныс.

Нагежда ПУНЕГОВА



Сиктысь – карё ЮОР ВАЯМ

Март 21 лунö Корткерос районусь Ыджыдвидзса школаын тиöтш пасйисны став мирса поэзиялысь лун. Школаса библиотекаын юргисны челядьöн велөдöм кывбуръяс.

Лунтыр юргис кывбур


Водз асывсянныс лыддысяннi локтiсны квайтöд класса нывъяс, на бöрын став сёлöмсянныс наизусть висыталiсны сизимöд класса велöдчысяс. А ичöтджык велöдчысяс дзык артистъяс моз зiлисны, роч кывбуръяс кындзи тшöтш и англия кывйöн висытасисны.

Велöдчысяс кындзи кывбуръяс лыддисны велöдысяс да школаса уджалысяс. Ставсö кывкорталöм бöрын лои тöдса, мый медуна кывбур роч поэтыяс пöвстысь ныв-зон тöд вылас уськöдлiсны А.С.Пушкинлысь. Зэв бур, мый юргисны тшöтш и коми гижысяслөн кывбуръяс.

Сiдзжö арталiм да артмис, мый медуна кывбур - 108 - лыддисны витöд класса, 106 - коймöд да 95 - нельöд класса велöдчысяс.

Атгыö ставныслы, кодi пырöдчылис кывбур лыддян марафонö. Зэв нимкодъ, мый том войтыр сы мында кывбур тöдöны. Кутам лача, мый и водзö найö тшöкыджыка кутасны босытлыны киас небöг.

*Галина Петровна
ПАНЮКОВА,
Корткерос районусь
Ыджыдвидзса школаын
библиотекар.*



ВЫЛЬ КЫВБУРЪЯС



Чебög - медбур ёрт

Радейта ме лыддысьсны.
Небög - менам ёрт.
Уна буртор тöдысьыд -
Интересной морт.

Небөггысь ми тöдмалам
Олёмсыс быдтор.
Пель саяным сюркнялам
Уна вöвлöмтор.

Радейтöй тi лыддысьсны,
Вöчöй аслыд шуд.
Кор небөгкөд ёртасян -
Тайö медбур здук.

*Инна ГИЧЕВА,
Корткерос районусь
Шойнатъса школаын
4 класса велöдчысь,
«Том корреспондент»
котырö пырысь.*



Вөзйөм тест отсалас акань кодъ нывъяслы гөгөрвонь, паськөмын кутшөм стиль налы медъёна лөсялө. Позьö откодяены асьтö и кутшөмкө нималана анькөд да видзөдлыны сылөн паськөм вылө. А сэссия нин корсьны «ассьыд» паськөмтö, лоны пыр мичаөн да нимкодясьны олөмнад.

Кутшөм паськөм тэныд медбура лөсялө?

1. Бөрйы кывъяс, кодъяс лөсялөны тэныд:

- А) Асьтö радейтысь да пыдди пуктысь, пыр мичаа пасьтасьомыд, ставыс дась ас кадö.
- Б) Пыр медводдзаяс лыдын, надея кутан сөмын ас вылад, унатор кужан вöчны.
- В) Некодöс он кывзы, пыр веськыда сёрнитан, тöдан аслыд дон.
- Г) Шань сёлөма, кывкутөм ас вылад он босьт, пыр виччысян кодсянькө вөзйөм.
- Д) Романтичнöй, унатор сёлөм пыр нуöдысь.
- Е) Пыр мыйкө выльтор корсян, восьса сёлөма, видлан вöчны вермытөмтор.

2. Кутшөм мичмөдчантор медуна тэнад шкапад?

- А) Жемчуг, «гвоздик» исерга, кулона чеп-браслет, лакируйтөм көм да векни вөнъ.
- Б) Öнйя модалы лөсялысь да быдсикас рөма көм, бижутерия, öчки.
- В) Паськыд да сьöкыд браслетъяс, ыджыд чунькытшъяс, бур да дона фирмалөн көм-сумкаяс.
- Г) Мешöк сумкаяс, мокасины, зарниысь да эзысьысь чунькытш-исергаяс, дона изъясысь мичмөдчанторъяс.
- Д) Быдсикас рөма шарп-көсынка да сумка, винтаж стия аксессуаръяс.
- Е) Паськөм-мичмөдчанторйыд зэв аслыссикас: уна рөма öчки, шляпа-шарп, сумка.

3. Тэнад шуд вылө, шуам, уси козин - ньöбасян карта. Кутшөм выльтор эськө аслыд босьтан?

- А) Паськыд гач, öти рөма сумка-вөнъ, мича ковта, жемчугысь сикötш, йөв рөма көм.
- Б) Öнйя модалы лөсялысь комбинезон, кучикысь куртка, платформа көм, заклөпкаа клатч, кутшөм-сюрö сикötш-исерга.
- В) Быдөнлы синмас шыбитчысь платтö, голяад шензöдана чышъян, конверт кодъ сумка, пиджак да восьса ныра көм.

Г) Еджыд джинсы да дөрөм, кулона чеп, браслет, сумка-мессенджер да кучикысь восьса көм.

Д) Платтö, винтаж стия клатч да восьса көм, «гвоздик» исерга, браслет.

Е) Синмад шыбитчысь платтö, öчки, югыд рөма блузка, кый кучикысь клатч, голятö мичмөдантор.

4. Кутшөм көм тэныд медъёна кажитчö?

- А) «Лодочка» тупли, балетки, кузь гөленя сапөг. Быдлунъя көм - сьöd да еджыд рөмъяса, гажъяс вылө - джуджыд каблука гөрд тупли.
- Б) Платформаа көм, бур фирмалөн кроссовки, синмад шыбитчана тупли.
- В) Вылын шпилькиа тупли, кузь гөленя сапөг, кузь каблука ботинки.
- Г) Каблуктөм сапөг-тупли, балетки, кокни спортивнöй көм.
- Д) Винтаж стия көм: танкетка вылын, лоуферъяс, лакируйтөм «лодочка», дзоридзьяса балетки.
- Е) Синмад шыбитчана көм: ярьюгыд рөмъяса, аслыссикас, замшаөн, кучикөн да гөнөн мичмөдөм сапөг-туплияс.

5. Медрадейтана рөм?

- А) Еджыд, сьöd, пөжөм йөв рөмъяс.
- Б) Югыдлөз, алöйгөрд, оранжевöй, кольквиж, сьöd.
- В) Сьöd, еджыд, гөрд, фиолетовöй.
- Г) Югыдруд да кельыдлөз, а сідзжö вөр-валы лөсялысь рөмъяс.
- Д) Югыдгөрд, югыдлөз, абу ёна пемыд руд да мутөм.
- Е) Фиолетовöй, югыдгөрд, дзирдалысь - став рөмыс, кодй шыбитчö синмад.

6. Вөзйөмъяс пөвстысь кутшөм сьöd тупли эськө бөрйин?

- А) 1 снимок
- Б) 2 снимок
- В) 3 снимок
- Г) 4 снимок
- Д) 5 снимок
- Е) 6 снимок





А



Б



В



Г



Д



Е

**Öни видзöдлы вочакывъяс вылад. Кутшöм шыпас лои мед-
уна? Сийöс и аддзы вочакывъясысь.**

А - «Классика»

Тэныд лöсялö классика стиль. Унджык паськöмыд руд, лöз, сьöд да пöжöм йöв рöмъяса. Татшöм рöмасö новлöны и мир пасьта нималысь аньяс - Марион Котияр, Брук Шилдс, Анджелина Джоли, Кейт Миддлтон, Кэти Холмс. Классика пыр лоö модалöн сюрöснас. Та вöсна эм сöмын öти вöзийöм - корсюрö паськöмтö позьö мичмöдыштны югыд рöмъясöн. Сийö нинöм лөксö оз вай, а сьöлөмкылöмыд - бурмас.

Б - «Ультрамод»

Тэныд лöсялö тайö стильыс. Тэ пасьтасян мода серти, бөръян сöмын öния кадлы лöсялысь паськöм. А аскинас, видзöдан да, көлуйтö бара нин колö вежны. Дзик татшöмөсь жö Пэрис Хилтон, Гвен Стефани, Джессика Альба, Миранда Керр, Дженнифер Хадсон - мирын нималысь мича аньяс. Та могысь эм вöзийöм: ньöб сöмын сийö паськöмсö, кодöс збыльысь новлан. Öтикык выльторйыд лоас дзик тырмымöн.

В - «Драма»

Тэныд лöсялö буретш драматическöй стиль. Тэ зэв бура тöдан асьтö, вылö донъялан. Та вöсна паськöмыд тэныд мöд кучик кодь. Кутшöм сьöлөмкылöм талун - сэтшöм и паськöм. Тайö стиль серти пасьтасьöны и нималана войтыр - Дита фон Тиз, Милла Йовович, Меган Фокс, Кэтрин Зета-Джонс, Моника Белуччи. Эм сöмын öти вöзийöм: мукöддырйи паськöм йывсьыд позьö вунöдчыны да петны ёртъяс дорад важиник джинсыöн да футболкаöн.

Г - «Естество»

Тэ мода бөрся он вöтлысь. Пасьталан сийöс, мый лöсялö сöмын тэныд да кутшöмöн бура кылан асьтö. Татшöм стиль бөрйöны и Синди Кроуфорд, Холли Берри, Натали Портман, Жизель Бюхден да Джулия Робертс. Тэ кужöмöн бөръян мичмöдчанторъяс, но мукöддырйи вунöдчан на йылысь да весиг он пасьтавлы. Босьт аслыд тöд вылö - ыджыд гаж да тöдчана лоöмтор дырйи асьтö бытысь колö «петкöдлыштны».

Д - «Романтика»

Тэ аньяс рöдысь, и тайöс сьöлөмсянныд кылан да быдторйын петкöдлан. Складкаяс, воланъяс, рюшечкаяс, небыд рöмъяс - ставсö позьö аддзыны тэнад паськöмысь. Дзик татшöмөсь жö мир пасьта нималысь аньяс - Фрида Пинто, Эмма Уотсон, Наоми Уоттс, Мишель Уильямс да Скарлетт Йоханссон. Гашкö, колö содтыштны тэнад паськöм дорö öния модалы лöсялысь аксессуаряс да? Видлы, колöкö, кажитчас.

Е - «Креатив»

Тэныд лöсялö буретш тайö стильыс. Тэ пыр ачыд, пыр торъялан. Весиг сэк, кор паськöмлöн рöмъяс öта-мöдыскöд оз лöсявны, тэ некодöс он кывзы, вöчан ас ногыд. Бур, мый он пов выльтор видлöмысь. Но сэк жö эм вöзийöм - быдторйын мед зськö мера вöли. Тайö стильын жö пасьтасьöны Миша Бартон, Кейт Мосс, Николь Ричи да Лана дель Рей - мирын бура тöдса аньяс.

«Коми йöзöдчан керка»
Коми Республикаса
автономнöй учреждение.

**Веськöдлысь
Н.Н.БЫКОВСКАЯ
Гл.редактор
Г.В.МАКАРОВА**



Газет панысь:
Печать да юөр сетан Коми
Республикаса агентство.
Регистрируйтöма
2007 вося ноябрь 28 лунö
йöзлы юөр сетöм да
культураса озырлун видзöм
кузя оланпасьяс
збыльмöдöм бөрся
видзöдысь федеральнöй
службалöн Беломорскöй
управлениеын.
Регистрируйтан пас:
ПИ №ФС 3-0686.
Социальнöй тöдчанлуна
гижöдысьсö йöзöдöма «Коми
йöзöдчан керка» автономнöй
учреждениеылы печать да юөр
сетан КР-са агентстооин
вичмöдöм сьöм вылö.



Редакциялөн адрес:

167982, Сыктывкар,
К.Маркс улица,
229-öd керка,
401-402 кабинетъяс.
Тел. 24-12-22, 24-36-49.
E-mail: Yologa@mail.ru



**Редакцияын
уджалысьяс:**
том йöзлөн мытшöдъяс
юкөнөн веськöдлысь –
Надежда Пунегова;

**письмö юкөнөн
веськöдлысь –**
Екатерина Микушева.



Медводдза лист бокас
снимокыс
Надежда
Пунеговалөн.



Авторъяслөн мөвпъяс оз
пыр лöсявны редакциялөн
видзöдласкöд.



Тираж – 561.
Гижöдчан индекс – 52099.
«Йöлöга» газет петö
1991-öd восянь
вежоннас öтчид, комиөн.



Печатьö кырымалан кад:
график серти – март
толъыслөн 26-öd лунö
16 часын; кырымалöма
печатьö 16 часын.
Газет печатайтöма
«Коми республиканскöй
типография» ООО-ын дась
оригинал-макетъясысь.
167610, Сыктывкар,
В.Савин улица, 81
Зака №



ВӨЛӨМКӨ

Апрель медводдза лун - шмонитысьяслөн ставмирса гаж. Тайё лунё асывсяньыс рытөдзыс кутам серавны-гажөдчыны да ылөдлыны матыссаөс быдсикас шмоньнас. А кысянь сійё пырөма миян олөмө да кызди сійөс пасйөны мукөд странын? Вөлөмкө, унатор на ми огө төдөй апрель медводдза лун йылысь...

Шмонитысьяслөн лунөң!

Туялысьяс серти, апрель медводдза лун заводімаөсь пасйыны Францияын юлианскөй календарь вежсьөмсянь. 1582-өд восьнь төлысьяс заводімаөсь лыддыны григорианскөй календар серти январь медводдза лунө, а абу апрельын. Мукөдыс абу көсйөмаөсь вуджны та ылө да уна во на гажөдчөмаөсь апрель медводдза лунө.



Өти англичанин ёна радейтөма шмонитны. Отчыд сійө ыджыд театрын рапыдөса мужичөйясы. Найө пуксялөмаөсь билетын индөм местаясө. А балконывса пукалысьяс ясыда лыддьөмаөсь куш юръясысь артмөм матьканкыв.


1962-өд воын Швецияын вөлөма дзик өти телеканал, коді петкөдлөма съодаеджыдөң. Сэки апрель медводдза лунө ыльторъяс нуөдысь висьталөма, мый талунсянь нин быдөны гортаныс позяс видзөдны уна рөма петкөдлысь телевизор... Та понда пө сөмын колө вевттыны экрантө уна рөма нейлон чулкиөн.



2003-өд воын Прагаын дыркодь юргөма «Чешская мечта» донтөмсьыс-донтөм супермаркет восьсьөм йылысь реклама. Воссигежлас локтөмаөсь матө куим сюрс морт. Лента вундөм бөрын ставөн уськөдчөмаөсь пырны пытшкас, но, вөлөмкө, стен пыдди нюжөдчөма ыджыд-ыджыд плакат. А өдзөс сайын паськөдчөма туруна эрд. Тадзи йөз ылын шмонитөмаөсь кык студент.



Францияын жө апрель төлысьын Шөр нэмъясө пасйыломаөсь «Йөйяслысь пир» карнавал-гаж. 16 нэм бөрын гажыс бырөма-кусөма.



Финляндияын ёна важөн верстьө шмонитлөмаөсь ичөтджыкъяс ылын: мөдөдлөмаөсь быдтаснысө суседъясө стеклөысь вөчөм ножичла. Сусед «төд ылас уськөдлөма», мый «сетлөма нин» ножичсө мөд суседлы... и сідз водзө. Челядь лунтыр ветлөдлөмаөсь керкаысь керкаө ножич корсьөм могысь. Буретш сэксянь Финляндияын тшөтш пасйөны тайө гажсө.

Снимок-серпасыс «ВКонтактемысь» «Туши-тап» котырлөн.